

MOTZEAN

ALAVES

De Lucasek bizkarra eman dio Alavesi eta Chelsea taldean jokatu du

Gasteizko taldeak Quique de Lucasen fitxaketa lotuta zuela pentsatu arren, aurtengo denboraldian Espanyolen jokatu duen punta-erdiak Chealsearakin sinatu du jada kontratua. Alavesek aurreakordio bat lortu zuen aipatu jokalararekin, baina ez da nahikoa izango sinatu berri duen kontratua apurtu ahal izateko.

ATHLETIC

Talde zuri gorriak 0-2 irabazi zion Kulturalari

Erraz hartu zuen mendean Athleticetik Durangoko Kulturala Tabira futbolzelaian jokatu zuten lagunartekoan.



ANDONI CANELLADA / ARGAZKI PRESS

Realak ez du UEFA Kopa jokatzetik izango.

Partida hasieratik ikusi ahal izan zen bi taldeen artean dagoen aldea, eta 5. minuturako aurrea hartu zuen Athleticetik Santi Ezquerroren gol bati esker. Partidako bigarren eta azkenengo gola Del Hornok sartu zuen lehenengo zatiko 31. minutuan. Partida ez zen ona izan, besteak beste zelaia ere ez zegoelako egoera onean.

REALA

Ez du zortetik izan UEFArako zozketan

UEFAk atzo gauean banatutako bi txartelak Ingalaterrako Ipswich Town eta Suitzako Sigma Olomuc taldeen zozketan izan ziren. UEFAk joko garbia saritu nahi izaten du urtero, eta aurtun UEFA Kopa jokatzeko hiru txartel banatu ditu Europako hamazazpi talde *garbienen* artean. Realak baina, ez du zortetik izan.

ATHLETIC. Bost denboraldiz Real Madrilen aritu ostean, Lehenengo Mailan debuta egin zuen taldera itzuliko da

Aitor Karanka, etxera bueltan

Atzelari gasteiztarrak hiru denboraldirako fitxatu du, eta 40 milioi euroko etete klausula izango du

LEZAMAKO ARDURADUNA

Terrazasek ez du jarraituko

Lezamako arduradun nagusi eta Bigarren taldeko entrenatzaile Carlos Terrazasek ez du Athleticen jarraituko datoren denboraldian. Athleticetik kaleratutako oharren arabera, «antolakuntzan eta kirol arloan Terrazas eta klubeko arduradunen artean dauden irizpide ezberdinak» izan dira kontratua eteteko arrazoi nagusiak.

Alde biek adostutako irtenbidea izan arren, edo Athleticetik horrela adierazi duen arren, Carlos Terrazas izan da pausoa eman duena. Teknikari bilbotarra ez da gustura jardun denboraldion. Ondorioz, eta beste hiru denboraldirako kontratua izan arren, taldea uztea erabaki du, «lau urteko hitzarmena izan arren utzi egingo dut taldea, jarraitzeko gogo handirik ez nuen seinale», adierazi zuen Lezamako arduradun ohia.

Hiru denboraldiren buruan bigarren aldiz utzi du Athletic Terrazasek. 1997ko otsailean egin zuen debuta filialean Manu Sarabia ordezkatzuz. Lehenengo aroan denboraldi eta erdi iraun zuen, 1998-99 denboraldi amaiera arte. Sasoi hartan Jose Maria Arrate zen presidentea, Amorrortu zen Lezamako arduraduna eta Luis Fernandez lehenengo taldeko entrenatzailea. Azken biek ere izan zuen ikamika bat baino gehiago. «Aro biak gehituta lau denboraldi egin ditut Athleticen. Hiru



XOUSA SIMAL

Carlos Terrazas, Lezamako instalazioetan lanean.

denboraldiren buruan gainera, birritan utzi dut taldea. Inongo zalantzarik barik, hausnarketa egiteko datua da», azpimarratu zuen Terrazasek.

Athletic harrobiaren aldeko apustua egiteko prest agertu da. Aurretik Lezamako arduraduna eta Athletic Bko teknikari berria aukeratu behar-ko dute zuzendariak.

Haritz Gallastegi | BILBO

Datorren denboraldirako eskatu zituen lau fitxaketetatik lehenengoa lortu du Jupp Heynckesek. Aitor Karanka da 2002-2003 denboraldirako Athleticetik egin duen lehenengo fitxaketa.

Zentral gasteiztarrak hainbat eskaintza zituen mahai gainean, talde garrantzitsuenak gainera. A Coruña Deportivo —Jabo Iruretak zuzentzen duen taldeak interes handia izan ei du— eta Paris Saint Germainek, besteak beste, Karanka fitxatzeko asmoa izan dute, baina atzelariak Athleticera itzultzea erabaki du. Karankak hiru denboraldirako kontratua sinatu du, eta beste laugarren bat jokatzeko aukera ere aurreikusten da. Jokalariaren etete klausula, berriz, 40 milioi eurokoa izango da (6.600 milioi pezeta inguru).

Jupp Heynckesen agindupean arituko da berriz

1996-97 denboraldia amaitu zenean utzi zuen Athletic Aitor Karankak. Luis Fernandezek zuzentzen zuen taldeak Rafa Alkorta fitxatu zuen. Ondorioz, Real Madrilek zentral baten beharra zuen, eta klub madrildarrak fitxatu berri zuen Jupp Heynckesek Karanka fitxatzeko gomendatu zuen.

Real Madrilek Heynckesen eskaera gauzatzea erabaki zuen. Jokalariak Athleticetik izan zuen 1.000 milioi pezetako etete klausula ordaintzeko prest agertu zen talde zuria, eta Karankak talde zuri-gorria utzi eta Madrilerako joatea erabaki zuen.

Real Madrilen jokatu zituen lehenengo denboraldi bietan sufitzea tokatu zitzaion gasteiztarrari. Talde madrildarren exijentzi maila altuak bate-tik, eta hilabete askoan zelaieta-



PACO CAMPOS / EFE

Aitor Karanka.

tik kanpo utzi zuen osasun arazo batek bestetik, hamaikakotik kanpo utzi zuten.

Real Madrid utziko zuen zurrumurrua inoiz baino handiago zenean Vicente del Bosquek konfiantza guztia eman zion. Fernando Hierroren bikotekideak aurkitzeko arazo handiak zituen teknikari madrildarrak, eta Karankaren aldeko apustua egin zuen, eta ez zuen hutsik egin. Hurrengo denboraldi bietan titular gisa aritu zen, eta maila handiko zentrala dela erakutsi zuen.

Azken denboraldion ostera, gauzak okertu egin dira. Kontratua luzatzeko akordio batera ailegatzen ez zirela ikusirik, Del Bosquek beste jokalaririk batzuk aukeratzea erabaki du, eta Pavon gazteari eman dio jokatzeko aukera. Hamalau partida besterik ez ditu jokatu Ligan. Orain Athleticera itzuliko da, eta bere anaia Daviden ustez, «esperietzia eta kalitatea» ekarriko ditu.